

Tefü köls Volapüka.

632. Gespik.

Vomüle ä Vpijtitidane: ‚D. T. i. M.‘: Si! leigoäsä Vp ya labon laido monogrami oka, leigoso laido labon i *kölis kil* oka, sevabo *violäti, goldaköli e grüni*, bi Vp eprimon daglofi oka so mükiko, äs *viol*; neodon ad benoplöp *goldi* mödik; e *spelon (diseinön)* ad ai blinön dabeni gretikün menefe. — Atos saidonös pro sapikans!

(„Volapükabled“. Yel: 1885. Nüm: 59 (novul). Pad: 258.)

662. Sköt Volapüka.

Vp obas ya labon i *sköti* oka. Binädon me *köls kil*: *violät*, *goldaköl*, *grün* (logolös gasedi at, nüm: 59, pad: 258, bagaf: 632!) e me *dils* sököl: *skötaplatäd* bal ko <figur> ladafomik ed <ut> krodafofik e ko feleds leigik fol; su feleds *donik*: nedeto: floril su glun* *goldakölik*; deto: nak stalablövik su glun* *grünik*; su feleds *löpik*: nedeto: Vpa=monogram („M. B. P. B.“) *goldakölik* su glun* *dofaviolätik*; deto: *stel* *goldakölik* su glun* *klilaviolätik*. Donü krod binons: *nams* tel lü od patenüköls; donü *nams* talaglöp in lefogs. *Löpü* krod binons: *kron* bal; zuo deto e nedeto: *tanods* tel sköti lölik züöls, su kels binon nüpenäd: nedeto: „Menade bal“ (= „Menefe bal“), deto: „püki bal!“; e love *kron* at: *pijun* ko pened in honed e zü *pijun strals*, e *löpü pijun flam* bal no pedilöl, ab filöl fomü flamalineg. Donü lefogs talaglöpä binon lafamun. — Sköt at i pedatikon fa datuvan Vpa.

(„Volapükabled“. Yel: 1886. Nüm: 62 (febul). Pad: 271.)

* Bo: *pödaglun*.

833. Tefü tanod kilkölik Volapükanas.

Tim ai defon pö ob in ‚Konstanz‘ ad sel tanoda kilkölik (e gretika, e smalika) Vpanas. Kludo remans tanoda at *sivonsös* oni *nemediko* de jafädan: söl: ‚*Josef Koppold*‘: kvatädel in ‚*München*‘, Bayän, tö ‚*Marienplatz*‘, 27! Söl ot ai selom tanodi jöniko pekölöli ati tä mak bal e fenigs deg a *met* bal, e zuo äpromom obe läsökoti suäma mö dötums *lul*. Kludo komandob fiami at vemiküno.

(„Volapükabled“. Yel: 1886. Nüm: 72 (dekul). Pad: 310.)

Dajonäd in ‚Paris‘.

Vpans, ovisitöl dajonädi in ‚Paris‘, pabegons draniküno ad lenlabön ön mod mögiküno logädik tanodili kilkölik Vpik (sevabo *violätiki, goldaköliki e grüniki*) asä sevädovamali Vpanas. Me atos lüjonilobs nogna lofi flenik söla e läda: ‚*Keil Wilhelm*‘ e ‚*Charlotte*‘, ‚Paris‘, ‚*Boulevard Richard Lenoir*‘ 94, kel penotükon äyelo in gased at.

Komitetanef Vpakluba valemik (zänik) pro Stirän.

(„Volapükabled lezenodik“. Yel: 1900. Nüm: 234 (yunul). Pad: 975.)

Vödems rigädik dö otos.

632. Gesag.

Vomüle of-vpa.-tidel(e) D. T. i. M.: Si! äslik vp. *ailabom* ya monogami oma, leiko *ailabom* i *kölis* kil oma, o. b. violeti, golüdi e glüni, bi vp. *ebeginom* müko, äs *viöl*; nedom al mostep golüdi mödik; e spelom, *aiblinön* läbadi gletikün menade. — Sätö sapales!

(„Volapükabled”. Yel: 1885. Nüm: 59 (novul). Pad: 258.)

662. Sköt volapüka.

Vp. obsa labom i ya sköti oka. Ot kositom se köls kil: violet, golüd, glün (eko bledi nüm 59, flan 258, numat 632!) e se dils at: lejül bal ko ladafom e kluzifafom e fels fol leigik: su fels disik: nedeto: flolil su glun golüdik; deto: nak düliyulibik su glun glünik; su fels löpik: nedeto: vpa. monogam (M. B. P. B.) golüdik su glun dagovioletik; deto: stel golüdik su glun kilovioletik. Disü kluzif binoms: nams tel paloföl; disü nams talaglöp in lefogs. Löpü kluzif binoms: klon bal; en deto e nedeto: tans tel zü sköti lölik, su kels binom ninpenäd: nedeto ‚Menade bal‘, deto: ‚püki bal‘!; ed ove klon at: pejin ko pened in tipamud e zü pejin stals, e löpü pejin flam bal no peslitöl, ab linegöl. Disü lefogs talaglöpa binom lafamun. — Sköt at i pe’datikom fa datuvel vpa.

(„Volapükabled”. Yel: 1886. Nüm: 62 (febul). Pad: 271.)

833. Tefü tan kilkölik volapükelas.

Tim *aidefom* obes in Konstanz al selam kilkölika tana vp.elas (gletika e smalika). Sikod lemels ata tana sivosmsös oti nemedamo de fablüdel söl *Kópold* Josef, kvatel in München, Bayän, *Marienplad* telsevel! Söl ot aiselom meti a bali ata tana jökölik plo mak bal e fenigs bals, ed *äpömetom* obes en luli dötumis luama. Sikod komedobs fiami at gudiküno.

(„Volapükabled”. Yel: 1886. Nüm: 72 (dekul). Pad: 310.)

Setopot in Paris.

Vpans, ovisitöl setopoti in Paris, pabegoms dlaniküno, polön nefikulo logiko tanili kilkölik vpk (o. b. violetik, golüdik e glünik) as lesevamaloti vpanas. Lūjonobs atosogna lofi flenik söla e läda Keil Wilhelm e Charlotte, Paris, Boulevard Richard Lenoir 94, kel pemaniföfom äyelo in gased at.

Sevälef vpakluba zenodik plo Stirän.

(„Volapükabled lezenodik”. Yel: 1900. Nüm: 234 (yunul). Pad: 975.)